

آبونه شرائطی : هریر ایچون
سنه لکی (۲۷۵) آلتی آیلنی
(۱۵۰) خار ج ایچون سنه لکی
۳۲۵ غروشددر .

نسخه سی ۵ غروشددر .
ایکی نسخه برآزاده
(۱۰) غروشددر
سنه لکی ۵۲ نسخه در .

اداره خانه : باب عالی جاده سنده
رشید افندی خائنده

اخطارات
آبونه بدلی پشیندر .

مسلكه موافق آثار مع الممنونیه
قبول اولنور . درج ایدله بن
یازیلر اعاده اولنماز .

الکتابخانه

۱۳۳۹

آدرس تبدیلنده آریجه
۵ غروش کوندرملیدر .

مکتوبلرک امضاری واضح
واوقوناقلی اولنی و آبونه
صره نومروسی محتوی
بولونسی لازمددر

ممالک اجنبیه ایچون آبونه
اولانلرک آدرس لرینگ
فرانسزجه یازلمسی رجا اولنور .

پاره کوندردلیکی زمان نهیه
داثر اولدینی ییلدیرلمسی
رجا اولنور

اتبعون اهدکم سنیل الرشاد

صاحب و مدیر
اشرف ادیب

باش محرر
محمد عاکف

والله یهدی من یشاء الی صراط مستقیم

اولاً هر لوا وقضا مرا كزنده محلی مفتیسك ریاستی آئنده بلدیہ و مجلس اداره اعضا لرندن برر ذاتك و هر كوی ویا محلهك هیئت اختیاریه لرندن و اوقاف مدیر مأمور لرندن مركب برمدارس قومیسونی تشكیل اولونورق داخل قصبهده مشروط لهلری مندرس اولوب وارداتی شونك بونك آئنده قالمش اولان نه قدر اوقاف مندرسه و عوارض آقچهلری وار ایسه برر دفتری تنظیم و تصدیق اولوندقدنصكره بونلك واردات صافیهلری مدارس ویریلیدر .

ثانیاً : بر محلكتده یكرمی خراب مدرسه اولمقدنسه منتظم و معظم بر مدرسه بولونمق دها نافع و خیرلی اوله جفی شهنه دن وارسته در .

بناء علیه مستغنی عنها قالان بالجله مدارس عقار ویا نقوده تحویل ایدیلرلك حاصل اوله جق مبالغ ینه آله قالان مدرسه صرف ایدیللی . استانبولده [۱۸۰] مدرسه دكل ، آنجق هر قسمی احتوا و بیككرجه طلبه بی استیعال ایدمك معظم بر كلیه لازمدر . بومطالعه تمامیه آناتولی مدرسهلری حقننده جاریدر .

۱۳ - خصوصات مذكوره لك تدقیق و مذاكره سیله اشتغال ایدمك بر انجمن علمی تشكیل اولونمق و مذكور انجمن درحال ایشه باشلامیدر .

۱۴ - كرك بر سنه نبرو آناتولی مدارس حقننده وقوعبولان تدقیقانه ، كرك انجمن علمیلره یا بیلان تعمیملره اكن جوابلره و كرك بودفعه بالعموم استانبولده مدارس عائد تفتیشانه استناداً دییه بیلیرمكه : مدارس حقننده پایله جق اك اساسلی و مشمر اصلاحات مدارس عائد اوقافك توحیدیه عصرك ایجاب ایتدیردیكی شكده مؤسسهلر وجوده كتیرمك و بو مؤسسهلرك لیلی اوله رق حیاتی تأمین ایدمك چارهلره توسل ایتك و بالخاصه اوقاف طرفندن بوجهته لایق اولان اهمیت ویریللكه ممكن اوله جقدر .

ملت كتبخانه سی

سنه لردنبری بر درلو و قیقی تسجیل اولونامایان فاضل محترم امیری افندیك كتابلریك معامله تسجیلیه سنك بوكره محكمه اوقاف قاضیسی حضورنده اجرا و اكال ایدلدیكنی جرائد یومیه دن بعضیلریك صوك نسخه لرنده كوردم . بو كتابلر و تسجیل ماده سی فاضل مشارالیهك بتون حسن نیت و مساعیسنه رغماً استانبول مطبوعاتك هان كافه سنك سكز اون سنه لك بر دیدی قودیس اولمشدی . قیمتدار بر خزینه بی بیوك بر خلوص قلب ایله ملك آغوش فیض و استفاده سنه ابدیاً وضع و اهدا ایدن بو محترم انسان نه لر كورمه دی ، نه لر ایشتمدی ، اوقف

ایتمكه نیتی یوقدرمی دیلمدی ، كتابلری باشقه بر محله نقل ایدیور ، ایدمك دیمه می سویلمدی ، حق صامش ، صاته جقمش دیه غزته ستونلرینه می كچیرلمدی ، آمریقالیلرله ، فرانسلرله یوز اللهی ، یوز آلمش بیک لیرایه بازارلق یاپیور ، كتابلر اجنیلره كچه كك دیه شایعه لر می چیقاریلمدی ، اوقافچیلرك ناظر لرندن طوتیكزده درت بشیوزغرو شلق كتابلرینه وارنجیه قدر حقارتلری ایدلمدی . بونلر بویله اولمقله برابر امیری افندی بونلردن منفعل اولمق سزین عزمنی تشدید ایله استساخ ، مبايعه ، تحریر ، تجلیده خصوصنده هر كون دها فضله موفقیت كوستر . مكدن بر آن خالی قالمش ، بر طرفندن امر تسجیلی احضار ایلشدر . امیری افندیك كتابلری دییوبده كچوپرمیه لم . اوزون بر عمرك ، كتاب پشنده توركیاك اك اوزاق واك كوچك شهر و كویلرینه قدر بالذات كیدرك ایستدیكنی بولمق و بولدیغنی آلمق ایچون صرف ایدیلن وقت و نقدك محصولی اولان بو خزینه نفیسه ایچنده استانبول كتبخانه لرنده مثلنه تصادف اولونمایان بر چوق اثرلر موجود اولدیغنی كی مؤلفلریك خط دستلریله محرر اولمق و نسخه ثانیه سی ده بولنامق اعتباریه دنیانك هیچ بر یرنده موجود اولمایان دینی و ادبی كتابلرده واردر . بالخاصه ایچنده اپیو وارلندیغ و استفاده ایتدیكم توركجه دیوانلر و ادبیات قسملریله یازمه مجموعه اشعار و غزلیات قسملری اوقدر نوادری احتوا ایدركه بونلره قیمت تقدیری حقیقه امکانسزدر . عثمانلی پادشاهلریك اوندن فضله یازمه و نفیس دیوانلری ، شهزاده لرك جداً قیمتدار و بعضیلریك خط دستلری ایله محرر دیوان و كتابلری ، فاتحك ودها بعض پادشاهلرك كندی ناملرینه یازدر دقلری امثالسز كتابلر ، هر پادشاهك متعدد طغرائری ، مهرلری ، فرمانلری ، خلیفه نوجاه حضرتلرینه وارنجیه قدر همان هر خلیفه و حكمدارك خط دستلری ، رجال دولتك همان چو غنك ال یازیلریله مکتوب و مسوده لر می و هپسك فوقنده بیككرجه نفیس جلدلر ، میثاتورلر . كتبخانه یه جداً بیوك بر قیمت و یرن نفائس آناردندر .

یدی سكز یوزه واران سرقات و فرمانلر قسمی جداً شایان قید و تذكاردر . بتون مشاهیر خطاطینك مختلف و متعدد یازیلرندن ، هر زمانك تزینات و تذهیبانی كوسترمك صورتیه وجوده كتیریلن بو قولاكسیون مهم بر موقع اشغال ایدر .

یالكز استانبولده دكل ، ولایاتده دخی طبع اولان جرائد یومیه و رسائل موفوتهك هان بتون قولاكسیونلری بو كتبخانه ده تدقیق و تبیع ایدمك بیلیر . یوز اللهی عددی تشكیل ایدن لغت قسمی اوقافك دیگر كتبخانه لرنده كی لغتلردن چوق زنگیندر .

آلتی یوز طقسان درده بالغ اولان كتب متفرقه ك قیمتنه حد و پایان

نسل حاضر و مستقبله بیوک بر ساحه تتبع و عرفان حاضرله مقوله برابر مهم بر درس عبرت و انتباه و یرمن حضرتک، یاقینده بر « ذیل وقفیه » حاضرله مقی خصوصنده کی ارزولرندهده مظهر توفیقات الهیه اوله جقلری شبهه سزدر .

مستخبرات موثوقه مزه نظراً اوقاف مدیریتی وقفیه نک کتبخانهده رسم قرائتی قرارلشدیرمش و بو مراسمه استانبولک بر چوق ادا و محررینی ایله کتاب متخصص و مراقیلیری دعوته حاضرلانشدر . فاتح تراموای موقعنده کائن اولان بو کتبخانه ارباب تتبع و مطالعهیه هر کون - جمعه لری ده داخل - ساعت طقوزدن بشه قدر اچیقدر . بونی بتون ارباب علم و فضیله توضیه ایتمکی بر وجیه بیلیر .

مفتی زاده

قوای معنویه

مسلمان ملتلی ایچون سلامت چاره لری

لوزانده بولونان اقدام غزته سی صاحبی احمد جودت بك صالح فونفرانسی مذاکراتک کنديسنده حاصل ايتديکی تاثیرلر حقنده غزته سنه بر مکتوب یازیور . اوتهدن بری غریبلرک بزه قارشى بسله مکده اولدقلری حسن خصوصتک اسبابی تحلیل ایدیور و بوکا قارشى مسلمانلرک نه یاملری لازم کلدیکی حقنده ارشادانده بولونیور . احمد جودت بکدن الله راضی اولسون . غریک ایچ یوزنی اولدینی کی ملته تشریح ایدیور . بالطبع بو مقصاله لک چوق بویوک قیمتی واردر . زیرا سنه لردن بری غرب عالمی یقیندن تدقیق ایدن ، اونک بوتون فضائل و مساویسنه واقف اولان بر ذات طرفندن یازیور . احمد جودت بکک سویلدیکی محض حقیقتدر . « بزغریجی یز ، غریک شرقده مثلی یز ، غرب مدینتی بلاقید و شرط ، نقصانلریله برابر آله جفر . » دین ذوات جودت بکک بومقاله سنی لطفاً دفته او قوسونلرده معصوم کنجلیری یا کلیش یوله سوق ایتمکدن واز کچسونلر . جودت بک دیورکه :

بزمه صلح مذاکراتی اجرا ایدن دول معظمه بزم ایلروده باشمزی فورتاردیفمزی ، ترقی آدمی آتدیفمزی اصلا ایسته میورلر . تورکیانک - بو آنه قدر ایچنده یاشادینی - اسارت حالک دوامی اونلرجه مطلوبدر . تورکیایی دائماً وصایت و ولایت آلتنده بولونان بر چوق کی اللری آلتنده طومق شرق پولتیقه سنک اساسی تشکیل ایدیور . تورکیانک اسمی وار ، جسمی یوق برحاله قلاسی ، ماده و مناموجودیت وقوت کوسترمه سی ، شرقده برحامل اوله ماسی ، ایسته مطلوب بودر . بونک نهدن ایلری کلدیکنی ابضاچه حاجت یوقدر . بوعصرلردن بری دوام ایش

نصور اولوناماز . هیئت عمومیه سی آشاغیده عیناً کوستریلن جدولده [۱] کوریه جکی وجهله اون سکیز بیکه بالغ اولان بوبله بر کتبخانه یی وجوده کتیره مک ، صوکراده هیچ بر منفعت ماده قصد ایتمکسزین هپسنى ملتک منافعه حصر و تخصیص صورتیه کندى حقوق تصرفیه و ملکیه سنی نزع ایتک هر فردک کارى دکادر .

بوبوله اولمقله برابر بونک ایچون صرف اولنان پارهده بک مهمدر . اقدی حضرتلری بتون ثروتی بواوغورده صرف ایتدیکی کی الی کسور سنه دنبری دائماً مستوفی معاشلرله بولدینی مأموریتلردن اله کچیردیکی مبالغی آنجق بومقصده تخصیص ایش ، فضله اوله رق یوزلرجه کتابی بالذات استساخ ایشدر . چارشى قاپیده کی خانه سنک بوکون کتاب پاره سنندن امنیت صندیغه مرهون دیگر کتابچیلرده بورجلی بولدیغنی سولک فدا کارلغک درجه سنی کوستره بیلیر .

بورجه بحق صاحب اولدیغنی امثاله اثبات ایدن اقدی ، بتون کتابچیلرک مظهر اعتمادی اولدینی ایچون جینده پاره سی اولدیغنی زمانلرده بيله هر ایستدیکی کتابی آلمغه موفق اوله بیلیمکده در . بوعزم و همت سایه سنده کتبخانه محتویاتک بر قات دها تزايد ایده جکی شبهه سزدر .

وقوع بولان متعدد و مصرانه تکلیفلر قارشینده کتبخانه یه « امیری اقدی کتبخانه سی » اسمی و یرمکی قبول ایتیه جک قدر محویت ابراز ایدن و بالذات بکا قارشى « بده ملتک ، کتابلرده ملتک » دیه جک درجهده بیوکک کوسترن مشارالیه بوموقعیتدن دولایی جداً شایان حرمت و تحیلدر .

[۱] محکمه اوقافده وقف و تسجیل ایدیلن کتابلر

نوعی	عدد	نوعی	عدد
کتب عربیه	۴۲۱۳	تورکجه رومانلر	۲۸۸
اد فارسیه	۱۰۱۱	« علوم طبیعی »	۵۲۵
تورکجه علوم شرعیه	۹۷۶	« قوانین و نظامات »	۹۰۰
« تاریخ »	۱۴۴۵	« یومی غزته »	۷۹۴
« دیوانلر »	۱۵۲۲	« ورسائل موقوته »	۱۹۳۱
« مجموعه اشعار »		« مرقات و فرمانلر و سائر »	۶۹۴
« بعض آثار ادبیه »		« ریاضیات و حکمت »	۲۲۰۵
« ادبیات »	۱۰۳۰	« طبیعی و سائر »	۱۷۰۹۱۵
« لغت »		« کتب متفرقه »	
« قواعد »		« السنه اجنبیه »	
« طب »	۳۸۱	یکون	